

四庫全書

集部

欽定四庫全書

御製詩四集卷三十六

古今體一百二十六首

丙申四

山東巡撫楊景素奏報得雨誌慰

山左今朝達奏章欣逢春雨抵嘉祥兗東濟泰境皆遍

已午未申時以長

楊景素奏行次嘉祥縣得雨四寸其兗州東昌濟南泰安四府所報得雨情

形均屬相同二麥並皆暢茂青圻千里秋田亦紛紛犁耨村農無不欣喜自北而南遲半日

京畿得雨係十九日亥時至次日卯時而山東則係既二十日巳時至申時較遲半日蓋雨勢自北而南耳

優且渥利新秧青郊農景行將覽預為吾民額手慶

香林院瞻禮

清河入海河

大清河於此  
匯衛河入海

拍岸俯洪波琳宇開香院蕭

臺矗鬱羅都綠巔安晏豈是豫卷阿路便申瞻禮祈民

福佑多

海河樓

香林院畔海河樓駐舫憑欄一暢眸慮有夏秋容納苦

幸無塘堰築防憂

天津之海夏秋不能納水每遇霍潦  
瀕海沮洳之地動輒被災而於海口

實無調劑之法非若浙江海防潮信衝駢填岸傍扶攜突不得不講求塘堰修葺以爲捍衛也

侶來往波中歌舞舟雖獻民歡供

懿賞怡然意共憫然投

### 望海寺

海河側畔建蘭若望海因之遂得名大士如如不動念

衆生箇箇仰慈情聊緣路便駐舟憩更趨途長解纜行

柳墅去茲十餘里

柳墅行宮在天津城南距運河十餘里擬於迴鑾時奉皇太后駐憩

數日置之停蹕待迴程

策馬過天津府城

方舟橋過即城闔策馬因他瞻就民本是旰宵恒所注  
自然愛戴總相親為謀富教言何易庶免饑寒意實諄  
前度今番胥若此踴途緣飾恐非真

芥園

芥園減壩近城池揖盜開門應戒為

辛卯東巡過天津楊廷璋因屢年南

運河派溢議於城西芥園左近建減水壩以備宣洩及親臨相視其地逼近津城若于此洩派不啻開門揖盜勅俟迴鑾再定繼於上游興濟挽地二處改開為壩盛派已足暢消芥園之功遂廢  
興濟迤南原

可度

入聲

津瀛通歲幸收宜

自興濟捷地改壩後南運河減瀉有資津城連歲不被水

志雖潦漲稍盛麥禾仍得有收

民生攸繫資公議河務非嫻祛已私撲

字數間仍備憩志寧茲在謂多茲

過楊柳青村因作柳枝詞三首

底論柘枝與竹枝試聽即景柳枝詞  
祖鞭雖屬劉和白  
勝日巡方此一時

拂岸青青窳嫩梢籠村已欲綠陰交  
桃關此日多歸馬  
誰復封侯歎悔教

幾番

去聲

秋還幾番春世間欣戚那能均徒觀嬾嬾垂絲

者豈少無端折贈人

獨流覽古

獨流北復獨流東河渠志紀宋元豐爾時尚應為內地  
然已防禦謹其衝當城築砦嚴備北咸平建議更在昔  
寇準孤注徒爾為北強南弱由來識界河劃疆各守邊  
燕巢無事安以權不記創業藝祖語卧榻側豈容人眠  
勃興崛起風雲盛匪其時合靜以聽即欲有為當擇人

何至謫計遣馬政謀燕反致失中州寒盟自召禍有由  
非常事付庸劣輩空貽笑柄千秋留

三月朔日喜雨

啓行已覺細霏絲駐蹕仍欣嘉霽披誰識季春纔朔值  
又逢好雨與舟隨郊原應渥五寸澤時節未乖十日期

京畿於前月十九夜雨至次日天明始霽距今甫及十日霽霽海雲布以遍北南佳

信此後之

雲氣甚濃而普北而京都南而山東河南想又均被膏澤佳音旦暮俟之

過靜海縣



平舒難溯古置縣始明昌城郭行舟過士民迎岸傍下  
風任瞻仰冒雨惜衣裳即此尊親意施恩可恕忘

河南巡撫徐績奏報得雨

將云膏澤北而南誰識同期豫省覃

昨楊景素奏山東得雨北京畿邊半

日意謂雨勢自北而南今徐績奏河南得雨又與京畿同日膏澤敷施遲速先後之間誠有非意計所能及者

綿霪竟霪一晝夜京畿較覺更沉酣

豫省自十九至二十綿雨一晝夜通

省均霪有六七寸者較京畿尤為深渥奏至通行在甘兩竟日且雲氣甚濃所被必廣潤二麥而滋大田益為

農氓普望耳

滋培二麥苗將秀播種大田遍以堪覽奏正逢

茲復雨為

去聲

希續被及時甘

啜雨前茶因作是什

烹煎不過偶為之遂有芽茶作貢馳好尚於君可弗慎

聽觀惟衆那容欺入香詎肯傷天質

茶有入香者傷其本質矣見袁文薈

牕間評雨前芽茶則不然

得火旋看泛露滋玉琢和闌作甌子思量

較勝越州瓷

夜雨

蓬窻零日夜時密復時疎春月希斯矣優霑有時歟

濛思接上颿皆聽紛如陸路隨行衆

東巡惟奉皇太后御舟而行扈

從諸人皆由岸陸行不似南巡聚用多舟然畧慮其漸石之歎矣

能無歎挽輿

曉晴

五更雨漸止  
傍曙遂開晴  
既以慰農念  
還因利旅行  
順

風指金雀

安福驪上相風為金雀形適日曉日掛銅鉦上水頗借順風勢舟行仍速也

諸務都休美  
一心戒滿盈

釣臺

直鉤奸周於渭濱  
宋志奚稱乾寧軍地之相去數千里

一東一西殊不倫太白三千六百釣千秋公案誰能料  
豪情健筆賦逸詞尋行數墨豈為較歸愚謂指地軸言  
審然此處臺應存

舟中雜興

憶梅

雜卉雖多鮮入詩卷筒丁亥憶圖姿今年春暖盆梅謝

一例江南託遠思

丁亥春巡津浣對盆梅寫圖有恰似  
寒山別墅陪之句今年春暖盆梅已

謝舟中盆花惟此  
丹玉蘭之類云

詠柳

東墅西村綠與連一條白水劃長川無端春雨開生面  
如薺真形見老顛

烹茶

南方新到雨前茶畫舫竹鑪本一家恰似梁溪烟艇泛  
擊甌得句定無差

習字

文床斐兒得閒多習字非闕為換鶯却笑右軍清逸者

何稱筆陣弄干戈

上巳

上巳臨川路誰循被袂靈風光真駘蕩草木正薰馨水碓有聲畫麥疇無際青排當供

懿賞

巡幸所至預勅地方大吏毋事黠綴繁文而有司仍有排當承應之處周元理奏係供備

聖母

慈娛禁不能止亦遂聽之成事不教停

題峭帆亭

峻坂策快馬直下無留停順水放行舟峭帆起風輕胥

稱適意時止處應圖平苟其恣一往其害實堪驚是地  
運河岸乃有峭帆亭掛帆抑觀帆其語原未明吾謂觀  
斯可天道恒虧盈

過青縣

古縣河千枕青青柳向城萬民孳並庶百室數猶盈總  
藉衣食養安能粟帛贏憐他瞻仰切幾里步隨行

興濟壩

易牖茲為壩議因辛卯行興濟舊為牖以減運河之水而牖底過高且為牖牆所壅

不能宣洩辛卯春巡幸山東舟經循天津而行楊廷璋  
議於芥園左近建減水壩備洩夏秋盛漲余以其逼近  
津城不若於上游擇地為善便迹經此親莅相度擬改  
壩為壩並落低一尺俾運河漲得早洩下游無漫溢之  
虞命裴曰修會同楊廷  
璋周元理勘議行之  
脊猶出水尺漲乃洩川平北固

晏津郡東虞潦灤氓

自改壩以來天津一帶遂免水患而減下之水入海處當沿西灤三

堂灤之間灤既窪下積水汪洋瀕河沮洳易致淹浸一  
利必有一弊事本難於兼善惟在有司權其輕重耳

一興利一弊要度重和輕

聞京師得雨誌慰

郵置今朝傳奏筒雨霑三寸報羣工

留京辦事王大臣  
總管內務府及順



天府例  
各報雨

一時被澤北南異十日為期南北同

京城之雨  
雖不及靜

海一帶深透然距前得  
雨之期亦過符十日

普渥春耕真是瑞未臻秋穫敢

言豐洗兵利穡叨

天貺遇幸何脩益勅躬

### 過朗吟樓

洞庭飛過已荒唐滄酒何來重紀滄遂有高樓臨水商  
為傳遺蹟炫仙鄉因思無是謬悠事那得因他吟詠償  
四庫全書今校勘不寧此矣總宜詳

# 捷地壩

捷地原為減水牐而今易壩議僉同

前此閱視捷地牐工見其牐底太高

牐牆亦壅蔽不足暢宣漲勢且既名減水於壩為宜不應建牐因命襄曰修同楊廷璋周元理會勘議應拆去牐牆改為減水石壩並折低龍骨石一尺使高水不待平漕即可預綯其勢逆從之

去高拓窄豫

以洩疏咽除淤恒有工

其下游引河至岐口歸海處襄曰修等議今常時疏濬深通俾無

阻閼亦允所請  
通年頗資其利

無礙漕艘來往度那忘巡蹕測量中沿

隄黔首漫言謝尚慮茅簷或困窮

# 化城寺疊辛卯舊作韻

艣停安福傍溪濱梵唱依然隔院聞不識全提半提者  
 可真識得釋迦文

黔黎瞻就疏河隄施惠宣傳莫與稽更念遠村茅屋下  
那無饑泣及寒啼

祝

釐官吏有同志路便因之謁淨筵詎為精藍資攬結所  
嘉衆意總虔然

化城祇合是僧菴却見亭臺備憩驂

皇祖駐宜未有此率因憶舊更生慙

陝甘總督勒爾謹奏報得雪詩以誌事

甘涼西北氣尤寒二月雪應同雨觀帶積并融盈尺透

翻犁撫耒數州寬

勒爾謹奏蘭州省城於二月初六日午間落雨向晚疑結成雪至初七申

時始止并融化外積地八寸有餘僉稱為數年來所未有近省各屬同日均霑且濃雲遠佈雪勢必廣於農田大有裨益

甫經望澤欣被澤遙幸民歡切已歡即恐此心涉盈滿為君難識信為難

德州行宮四疊舊作韻

連朝已自循水路明日應茲啟陸程祇為頤

躬衆忱切又聞縮頓數間成

由天津至德州恭奉聖母水程安行極為順適

自德州登陸至李六莊供頓較遠巡撫楊景素請於適中之曲陸店新建行宮一所安輿停憩更覺從容

如前庭樹枝較長依舊盆花朵放榮此番

去聲東巡原有

意民經亂後總關情

七依

皇祖德州即事詩韻

告功虔謁

聖齊境駐輿初敬仰

奎文在賡吟句屢書

休助曾有諺誰何底須肅遊豫亦取義箕疇戒恒煥

駐蹕德州示山東大小吏三疊舊作韻

瞥眼五年此重

去聲

居此來尤覺意態予小氛固未致滋

蔓實惠惟應戒飾虛大法小廉胥勗若寒衣飢食尚肫  
如民間元氣復乎否將以郵程歷驗諸

題策頭墨梅四疊前韻

仿佛拈時笑

讀作伊三點  
成伊出梵典

原點以三老幹非龍骨似

翰陳所南

繁露臺

故里千秋疑信猜

董仲舒廣川人德州雖本廣川地今以州學為仲舒故里已屬渺茫乃指

城南樓謂即繁露臺則益傳會矣

城樓聳處久稱臺都傳繁露春秋演

誰識竹林與玉杯

降旨免山東州縣積欠詩以誌事

告凱祝

釐誠本圖來巡民隱益厘吾昨年禾麥收稱有積歲糧

銀欠豈無雖是經行已蠲豁更教借項追追呼

此次巡幸山東經行

各州縣已蠲本年額賦十分之三茲復降旨將通省積欠銀八萬九千四百九十餘兩又因災借欠穀麥五萬二百九十餘石無論蹕路所經及未經之地縣行蠲豁俾貧民得免追呼載咨羣吏承宣勉要俾窮簷免向隅

### 題曲陸店行館六韻

平陸原齊邑斯何以曲稱雖無峻峰嶺却有小岡陵想

寓卷阿意遂教行館增

地方大吏以德州至平原李六莊程途較遠請於適中之曲陸



店增建行館數楹為憩息之所因奉 皇太后分頓  
近程期於 高年安適遂允之而曲陸之名與卷阿

義合於行館 弗因多費飭亦為  
亦相宜也

大年登程近

體益豫居安

福永膺萬民總親上失伍訓猶懲

賜山東巡撫楊景素

前歲莠民亂山左據河防禦速成勲

前歲山東逆匪王倫糾眾侵擾壽張

陽穀堂邑三縣佔據臨清舊城特命大學士舒赫德等  
董八旗勁旅往捕時楊景素為直隸藩司並諭其在臨

清對岸駐兵防守以禦賊衆外竄景素甫至即燬賊所  
造浮橋督兵臨河堵截賊之涸水而遁者皆殪諸河中  
賊不得逸旋即勦蕩擒誅嘉其  
能擢為山東巡撫以代徐績

遂教劇省資安撫信有

嘉謀效恪勤已報舊城救家室

臨清舊城屋宇櫛比經王倫之擾焚燬者多居

民皆挈家走避賊平以後即撫輯米歸因其地為南北  
水陸經途市廛環集商民各及時修繕昨冬楊景素入  
覲詢之則已漸復舊觀矣更看遍野起耕耘茲來元氣觀曾復宿頓

葺修詎所欣

醇和堂疊舊作韻

平原行館  
內堂名

所思責實以循名兩字醇和昔寄情吏治民風今逮否

視之猶未愧斯誠

麥田

麥田近坂復遙岡萬頃芄芃綠渺茫頗厭風霾苗穊秀

羣稱沙地是其常

入山東境以來連日風大塵土較多似微覺短雨蒔之地方官僉云德州

至平原一帶乃九河故道地有積沙遇風輒起矧冬雪春霖並極霑足地畝仍然濕潤二麥可卜豐收所言雖亦近理究不若更得時雨為佳耳

雖云善解慮難解惟有農祥願叶祥膚

寸為甘迺百里顯希嘉霽以時霽

齊河縣行館再疊舊作韻

晏安有戒鎮深居況以告成啟狩與幼挈老扶都赤子  
暖衣飽食每殷予今朝未異昔年景新句還賡舊韻書  
却是不堪東北望

是日三月十一為

孝賢

皇后忌辰得病於濟南云

濟南往事

適思諸

### 六依

皇祖南巡過濟南韻

東巡遙過濟南城

聖韻重賡即景生燕趙西來遠山隱鵲華北望近雲平

夫耕婦織民風樸馬足車塵蹕路盈舊事漫縈灑然去  
春烟一帶柳梢橫

宿長清縣行館作

行館昔曾憩春風此又臨逕庭原宿識几研待清吟砌  
卉噴芳意陌楊鋪密陰今朝見山色罨畫足娛心

命展限江南被災州縣漕糧詩以誌事

接壤撫臣蹕路迎先詢災後子民情頻施恩賑差得所  
積欠漕糧慮取贏

江蘇巡撫薩載至山東迎鑒詢以上  
年被災情形據奏蒙恩蠲賑頻施災

黎俱已得所惟災緩漕糧應與新漕一併帶徵民力未免拮据因降旨將山陽等四縣上年災緩漕糧二萬七千九百餘石俟前歲蠲剩漕糧徵完後再行帶徵並將句容等十八州縣所有前歲緩漕十萬八千七百餘石於本年帶徵其昨歲緩漕四十一萬一千餘石緩至明年帶徵以紓民力因與分年視新舊

普教各郡緩輸征宣殷近厯忽隅向惟是一心厯萬氓

### 靈巖寺西入石路詠事

長卿謫宦本湘楚石路入西韻數

入聲

酬昔每斷章因取

義今知非實笑重由

前以靈巖寺西入石路用劉長卿韻凡四疊今細檢劉詩題為道林

麓山寺詩中復有湘水語知在楚南所作向日借用蓋因由西山石路斷章取義茲既考正不可復沿其訛而

疊韻  
矣

雖然總此一天下何必區分四部洲李賀夢遊真

卓識春烟九點自齊州

靈巖寺四疊前韻

空色由來一歸幻北南何礙兩稱靈雖無負鉢千秋蹟

用吳下靈  
巖寺事

却有指松十丈亭巖是雨花聳壘泉猶卓

錫貯澄渟山僧縱不通禪教解讀金經便換形

駐蹕方山作

匡廬方山此五來幾間行館稱清陪松無今古青還綠

泉有筑琴往復迴率欲題詩仍鄭重因艱佳句輒徘徊  
於斯結習終難置紀實抒懷戒逞材

夕

山雲無定形時聚復時散蒼然易為暮颯景清可玩布

幕羣聲息紙窓一燈榮萬幾茲暇刻四庫適披案

由京報遞

來四庫全書按日而進適

義理固難窮魚魯尤宜判抽

可披覽亦消暇良具也

看尚多訛編纂爾莫憚

進呈之書每一抽閱輒有訛舛足見纂校各員之未能盡心更

不可不倍加檢勘也



方山夜宿

水宿莫非舟陸宿莫非屋妙哉方山夜其宿勝水陸倚  
巖構幾架窈深復幽曲林海漾碧波雲闕護碩軸兩兼  
舟屋美有過無不足因緣欣所遇神謐如新沐獨我宵  
衣人久耽恐非淑擬告無事者於此消清福

五題靈巖八景

巢鶴巖

聞說開山有鶴來千年佳話泐崔嵬無心羽客間翔翥

何繫高僧此駐哉

甘露亭

石罅淙泉清且冷  
觀瀾每至小徜徉  
設云此即是甘露  
一滴曹溪誰果嘗

卓錫泉

卓錫休論今有無  
實邊名在兩非孤  
試觀樹石丹青者

盡是雲溪禮佛圖

秘殿珠林有錢選  
畫石勒禮澄圖

摩頂松

或傳東指驗僧歸此日此言仍勿違却看喬枝已四出  
指何無定昔今非

鐵袈裟

割煩惱故服消受一具猶然此路蹊項背設非真鐵漢  
亦誰能著此伽梨

白雲洞

洞易在低難在高何來極頂穴居遭東郊正此需春雨  
咨爾白雲莫漫韜

雨花巖

深處入雲衣履濕天花終古落婆婆設云此即維摩室  
問答其間已屬多

愛山樓

祇有山樓行館中

七景皆在行館外

今春拾級昔年同林巒納

景猶其次滿眼民艱望莫窮

謁

岱廟六韻

慶落當辛卯來瞻茲丙申

安輿欣莅止

古廟展誠純即此

康強吉孰非

錫羨仁東方生衆物萬禩佑斯民松柏那論舊丹青尚

若新所希綿

懿壽命駕豈辭頻

漢栢口號題壬午碑圖後

歷劫那知苑與枯  
謂猶多事寫形吾  
不禁笑指碑圖問  
久後還能似此無

環詠亭

四面迴廊環古屋  
題詩嵌壁滿其間  
不須品第詠而去  
否恐虛令番往還

體元堂六韻

泰麓仍前館體元  
我所名春風此重蒞

聖母奉

同行既慙承

歡志還申介

壽誠庭軒過容膝信宿愧怡情  
揅架芸編在開函藻鑑  
明如云對時義善長訓猶精

登泰山九依

皇祖詩韻

八旬五母仍康步六十六兒微  
白頭上瑞古今真此罕  
後言是否聽其浮惟知養

志以天下況是祝

釐殷九州岱廟已瞻申

懿悃高峰

欲陟顙停留

元黃以判萬古峙伯仲之間五嶽頭入目景無非續畫  
盪胸雲有若沉浮

天章詎止垂永世

聖意昭然照下州設以九賡踰九仞十全有待再吟留



五大夫松

鬱蔥盤道周厥貌已入古謂斯補古者古不知幾補南  
苑雙柳樹我曾賦其故叶斯蓋遙與同弗復重絮語天  
數及地數各得成於五人豈必不然大夫人之伍參立  
岱巖阿萬叔宜所處

登岱雜咏

合雲亭

峰環巒抱勢縈包夕靄朝嵐氣接交設果循名合膚寸

為霖真是利東郊

蓮花洞

本來原自象峰名久假因之洞以成石竇窪樽亭河泌  
夏時合有濯其清

壺天閣

中觀

去聲

已升廿里遙天闕仰尚白雲標一壺漫謂觀

平聲

止矣為學進吾往訓昭

桃花峪

卷三十六  
絳桃花及青松樹一例由人入話提却是松桃付不識  
識惟灼灼與萋萋

迴馬嶺

為奠天書策馬來崎嶇難進遂因迴泰山何弗如林放  
不受祥符捷徑開

飛來石

硯石無根寄石上似翔又似翥而飛底須靈隱名假借

西湖靈隱寺  
有飛來石

石設有知應未依

朝陽洞

南東其向劇巖隈  
穴處宛堪憩  
徃來萬仞峰頭標日觀  
朝陽此處笑重臺

對松山

對松初不稱孰對  
萬古之山萬古松  
面目本來正如是  
小哉人世詡羸封

白雲洞

山中何有有白雲  
出谷封陵氤復氤  
太古以來絕人世

幸他八伯未曾聞

丈人峰

丈人五嶽自青城岱頂何來假借名却是世人知此慣

誰因杜老句詳評

杜甫丈人山詩係在蜀時作山在益州青城縣以黃帝封青城山為五嶽

丈人得名今人但知泰山之丈人峰不知其假借也

日觀峰

天雞唱曉上扶桑一片大紅海水光此景祇宜出想像

那能中夜陟峰償

登封臺

臺所登封繫我思萬幾日理在勤為便當竟舜至今在  
亦之成功可告時

賦得崑山片玉

得精字八韻  
名試題

五萬崑崙嶺靈區產玉英舊傳惟耳食新致悉神情岡

出質多笨水撈品最精

玉以從水撈出者為佳其產於  
山者體質頗大而精粹勿如

未須重午日

西域記于闐國玉池每以端午日取玉云  
云然今無其事惟以春秋撈玉為貢足見

記載每壯此都京一片堪稱貴連城在所輕寧當論魯  
之說

楚信是重瑤瑛厚薄價斯鄙孚尹

讀如

喻則誠濟陰雖

自譽策語實詳明

聞京師得雨誌事

昨至靈巖時

三月十三日

陣雨片刻落沿途麥已秀風霾嫵

作惡問云地濕潤弗雨仍豐獲揣知慰我言總為心忤

若誰識即其夜

留京辦事王大臣等奏十二日亥時得有雷雨至十三日丑時方止入土四寸

今春雨澤頗勤茲繼沛甘膏於農田尤為有益

京師沛解作四寸更繼霑農民

喜雀躍人情慣切近於遙究殊託對此厯先憂念彼鮮

後樂

泰安縣四賢祠行館作

背指岱宗峻度登已祝

釐吉行五十里駐傍四賢祠惟愧所無逸而猶默有思  
諸人高蹈者未必肯於斯

麥秀

自我入齊境麥色看綠茂迤邐向南來侵尋麥已秀惟  
是每作風未免沙土垢為學憶聖言望實冀雨透



曉行

曉行日未升山雲密佈天崇朝庶其雨露霑潤大田惟  
看幾點落遂晴心憫然何處非吾民而弗為祈年

題致本齋

在中水  
行宮內

凡事皆有本如木根水源為學及為政豈必殊此焉為  
學在率性鉅矣任道傳為政在愛民吾聞堯舜難合之  
原一事分之似兩端以今切己論為政願力殫是齊額  
致本圖易應思艱峻雕夏歌戒休助夏諺宜居然此軒

庭而寧弗愧顏愧當勤實政無補戒空言

駐蹕泉林疊辛卯舊作韻

底論邠歲及申年寂喜

葱躬健勝前林自依山標靜體泉非舍畫叶精詮詩情

儻父筇和展

周密字公謹自號弁陽老人又稱山東儻父泗水潛夫所著有蠟展集及雲烟過眼

錄

畫意詞臣雲與烟

辛卯春曾命錢維城畫泉林雨景題詩其上今維城已物故而畫仍

粘壁亦不異雲烟之過眼耳

喬木恰聞鳩喚雨我心先得所同然

至泉林五疊舊作韻

七言依舊韻廣疊六度來茲詩紀明歲驗為今與為昔

境看宜雨復宜晴泉猶帶砌清而俟山不出門靜以迎

陪尼山在園牆內

几淨甌香都好在待予幾暇遣吟情

此實

宣尼在川處例遵曾讀

御碑來

泉林行宮前每詣曲阜瞻

皇祖御碑康熙甲子年所建聖製敬讀宮牆親觀之句

益深嚮往

近乎將潔犧尊奠幸矣頻隨鳳輦陪八景後遙合

償也一時抽祕可遲哉書堂傍晚銀燭朗溯憶流陰復

且徊

六題泉林行宮八景

近聖居

循因程便每先來熟路門庭此重開信宿居誠近

聖矣以言為學覺遙哉

在川處

碑亭萬古俯清川一語真該道體全易見即為難學處  
來游應識豈徒然

鏡瀾榭

不藉檀磨與鍊成湛然呈照漾軒楹坐觀久弗見鱗類  
始悟緣他水至清

橫雲館

三間樸室築平坡古樹奇峰戶外羅設使橫雲真作雨  
東郊農父樂如何

九曲釣

卧坡野釣致多曲其數奇又恰象陽設曰武夷能縮地

慢亭應在那邊張

柳烟坡

黛青濃染幾絲絲欲舞因風不自持一片橫烟與隔斷  
畫家留白法如斯

古蔭堂

泉林有樹無非古杞柳古中巨擘掄喻性他年輕告子  
臨風此日識前巡

紅雨亭

老幹庭前列幾株春過梢上憶華敷杏壇此去知非遠  
自與尋常態度殊

泉林行宮晚坐疊辛卯舊作韻

靜坐心無外物侵如魚潛藻鳥棲林思惟不息敬誠驗  
學匪徒空義理尋繞砌泉音暗曲峽滿窓月影度遙岑  
幾番舊什歷書壁境業如何一再吟

書幌重開又五年仍餘結習敲

去聲

吟肩奉遊

慈輦言期後默對幽齋心惜前巖嶂色收簾幕外松濤

聲透榻床邊如斯聲色擬擬裏不覺流陰即漸遷

留別泉林再疊辛卯舊作韻

重臨知復是何年祇覺今番頗遜前那似來逢優既渥

辛卯至泉林連日得雨極為優渥今已將去尚無雨意憶昔為之不憚却慙去付詠和詮

畧無逸興飛為句雖有微雲散以烟孤負鳴鳩終日喚

時雖不甚盼雨而麥方秀穗得雨尤佳初至泉林間隔林鳩聲喜為雨飛因有喬木恰聞鳩喚雨我心先得所同然之句不意竟成虛望甘膏未霈越怍然

中水行宮晚坐



僻上夥粘辛卯詩去時薰雨返優滋

辛卯春自秦安至中水正當盼澤及

駐泉林三日連霈甘膏迴蹕至此四野極為優渥茲往返俱屬望雨撫讀前巡僻詩為之憮然

今番豈

異前番也昨望仍增茲望之念叶休徵惟益愧心關農務那能怡雖非五日堪十日迫待却逾蘇氏辭

曉雲

曉雲暗遠天庶幾作甘雨行行散以輕失望意為憮結穗者隴麥吐苗者坂桑胥待膏澤滋吾民一何苦已近聖人里敬憶聖人語秀而恐弗實學與農同矩

四依

皇祖過闕里詩元韻

五歲睽瞻拜一時謁

廟堂從來遵禮樂惟是慙

去聲門牆

元韻重賡處

崇文仰教長炷香申敬叩馥郁滿衣裳

駐蹕古泮池疊辛卯詩韻

魯頌明云在泮獻幸茲耆定敢稱功向評新地即故地

丙子駐此據一統志曲阜故城在今縣東十里云云因有新城安得泮池名之句壬午再過此復覈之縣志則新城乃明正德初移宋祥符間徙去之城復築其實祥符以前縣治原在此古之魯城亦即在此蓋新築隘而故址寬且證之水經注所載孔廟泮宮方位近遠亦當在今行館之地曾作古泮池證疑以紀之並有此地非常地新城即

故城之句 總屬周公與魯公渴雨頓憐麥苗綠婪春那喜藥花紅明當執禮申殷悃佳氣西瞻擁

廟宮

不寢

明當致潔裡數問例不寢況值望澤際晚雲佈已審懼

聽風聲冷盼報雨絲淅如是達五更而總未霑甚一路  
看佳麥本可期穫稔可期為去聲患失吾過寧辭恁

闕里祭

先師禮成述事疊辛卯舊作韻

又得東巡奉

大年

廟庭釋奠展殷虔古今拔萃有若述堯舜猶賢宰我宣  
覺世崇文斯有志牖民傳道那能肩五春秋閱一承

祭歲禮迴瞻意眷然

金絲堂

憲章祖述紀中庸豈繫金絲發魯共  
天地辟如久覆載道斯在詎在聲容

詩禮堂

當日陳亢問伯魚學詩學禮兩言餘教傳萬古惟如是  
以立以言共勉諸

故井

萬世教垂永津逮當時未擬歎王明易云改邑曾不改

况此新城原舊城

今之曲阜縣城即宋祥符以前舊城明時復移建於此詳見昔所作古泮

池證  
疑

終日

終日霏微雨細零弗成分寸祇濛溟慙予誠未格時化  
敢忘民艱曷惠寧

過陋巷顏子祠

宏規廟宇奐而輪陋巷今時豈更貧屢空

去聲

一瓢無改

樂其心三月久於仁如愚誰似不違處克己獨臻好學

真報施

去聲

善人

天若此龍門倡議未為淳

謁孔林酌酒

一坏如五嶽永古此幽宮天朗林原氣川流洙泗風奠

椒溯思處瞻楷不言中

林旁為子貢廬墓處復有枯樹半截相傳為子貢手植楷

萬

載讀書者水源木本同

謁少皞林

八旬年在位

在位八十四  
年舉成數也

一百歲長齡修法齊太昊降

生感大星史書不多事古道泯儀形存沒都曲阜永安

萬劫靈

大庭氏庫三疊李白詩韻

三讀太白詩逸韻何卓然鏗鏘突金石舒卷如雲烟舊  
蹟雖難尋仍此齊魯天望古遙集思無能託氷絃視今  
後由昔逝波迅流川

謁元聖祠



禮樂自姬宗惟公初所從廟非八佾舞庭有百年松文  
子克成考武臣真是恭

宣尼歎夢見夫豈在形容

孔子之不復夢見周公蓋數其不能復行周公之道今人

於難行之事未達之人率云未曾夢見夫子之意亦如是而已若如程朱之注則夫子未識周公形容何從見諸夢寐怪力亂神子所不語豈肯為此不稽之說乎向作詩嘗論及之今附注于此

河南巡撫徐績奏報得雨誌事

廿四五之際魯郊微雨看那知即其日豫省渥膏寬

徐績

奏河南省城於廿四日辰時甘霖大霽至廿五日尚未止入土深透且雨勢甚濃所需必廣

遙念心

雖慙近觀眉益攢慰猶弗抵愧摘句賴吟安

濟寧行館八詠

書堂

芸編插架備觀書自昔觀書輒悚予  
內聖外王非漫爾  
禮齊道德竟何如

雲樓

出牆樓屋臨平野近遠齊郊一覽中  
封建井田行豈得

治民惟有為

去聲

祈豐

梭亭

誰將一具梭笠子  
置在喬柯怪石間  
恰似應真渡杯後  
七徵徵罷八還還

月臺

望月從來藉月臺  
廣寒世界素光皚  
三千遍滿一輪照  
豈較高低尋尺哉

藥欄

藥欄絞縛致玲瓏  
騁目仍宜內外通  
默會箇中具深義

視無形蓋冕旒同

花砌

閒花繞砌有餘姿正是春風三月時  
暮把朝吟本無暇黃蜂紫蝶任相隨

竹埭

植裏號清不號妍故宜免俗愛前賢  
設論本地周旋久齊句微嫌匪渭川

松坡

攝山延得好佳賓

攝山疊浪崖上有九林松此坡種松亦九辛酉駐此曾有亦知允父非白

下拘數何須定九株之句

坐對龍葱意覺親閉戶未曾著書此却看

亦自長


上聲龍鱗

登太白樓再疊舊作韻

允父重來歷市闔酒樓太白蹟留真助休自是斯為主  
吟詠誰堪與作賓聊以餘閒賡舊韻不忘正務慎時巡  
詩仙已喜茲欣遇更有南池詩聖人

題南池少陵祠再疊舊作韻

城南數武有園池池上原有工部祠空後絕前心早下  
因文緬道步遲移誰無五字與七字我惜此時隔彼時  
自有不亡真者在水聲雲色豈非詩



御製詩四集卷三十六

欽定四庫全書

集部

御製詩四集卷三十七至  
九

編修臣初喬齡覆校

總校官編修臣程嘉謨



欽定四庫全書

御製詩四集卷三十七

古今體一百一十一首

丙申五

四月朔日作

祝

壽獻功禮畢過流陰宛轉入清和易舟北上希膏切夾

岸青青看結穗多人曰無妨未諧我來虞有失更塵禾期

逾五日柏十日

昨在中水行宮因盼雨未得有雖非五日堪十日迫切待却逾蘇氏辭之句距今

又將旬日顯望對此農民愧若何  
甘澤益切於懷

### 謂分水

### 龍王廟

流醺汶河各南北千秋通運藉

神權水分固在謀誠巧

分水雖似巧思實因天地自然之勢向作詩曾屢言之

春仍因勢自然但使萬民資利賴允宜一已致誠虔近

年流弱剛浮漕補救綢繆意更懸

每歲蓄汶水以濟運  
通年漕渠春水不充

糧艘易致淺阻因飭河臣多方預  
為籌辦又值去歲雨足幸未悞運

微雨

四月初三日

徹夜雲濃聚凌晨雨細霏聽聲時作止閱勢祇妥澍徒

益煙波景那蘇渴壤希弗曾成寸澤已見放斜暉潤旱

塵民望誠輕咎已非或云宜麥熟

適侍郎德福因差往土默特辦事至行在

復命詢以一路雨暘情形據奏直隸雨水已足山東似覺稍乾頃在河干候駕正值微雨喜以為於麥有益旁有老民數人僉云此時麥正結穗若雨過大轉恐麥生黑疸俟顆粒堅老雨始無礙此或農家閱歷之言然亦未能遽信也

疑信未深依

登光嶽樓即事再疊舊作韻二首

煙中九點辨齊區舟溯潛川艤岸隅尚憶戒嚴鄰賊境

即看翦逆靖康衢

前歲秋肅張逆匪王倫糾衆不法侵擾壽張陽穀堂邑三縣佔據臨清舊

城搶掠附近村莊東昌境既毗鄰且聞賊有窺伺之意郡城防守甚嚴因山東營兵怯懦無能賊得肆其猖獗特遣大學士舒赫德等統率八旗勁旅勤捕距其倡亂前一月旋即掃平賊衆悉就擒伏法諸境晏然軒

窓納景畫圖展老幼迎鑾陌巷鋪前席更頻諮大吏窮

鄉元氣復乎無

先望由來本一區

一統志載望徽樓在聊城縣東北今名光祿東昌府志則云光祿樓在府

城中其望徽樓則在城東北隅蓋光興望岱宗東北聳

音近傳訛向曾訂正詳見乙酉辛卯詩註

城隅靈威奕奕佑千古佳氣蔥蔥照九衢觀喜男耕及  
婦織飾祛玉砌與金鋪促成七字解舟進行漏曾消半  
晌無

河南巡撫徐績奏報得雨詩以誌事

開封得雨早稱優合省茲陳被澤周

先是徐績奏報河南省城於廿四五

得雨深透茲復奏通省一百四州縣均於此兩日各得  
甘膏五六寸至深透不等二麥可望豐收早禾亦愈見

長發民情歡忭結穗正滋二麥潤吐苗更卜大田休原皆廿四

廿五需

廿四駐曲阜其夜細雨微零廿五霏絲竟日不  
成分寸而豫省乃於是日優霑雖普天皆吾赤

子祈年之意相同然遠渥而近未霽究不能為之慰懷也

何獨於齊於魯收覽奏惟

慙以為慰望雲旦晚冀恩流

舟中夜雨

四月初四日

彌月甘膏已覺稽晚來雲重雨淒淒通宵喜聽波聲霑  
詰曉纔看霽色霽何處非民非赤子即今惠我惠青齊  
京畿一帶復霑否驛駭騰章此佇俟

曉晴

曉晴開御舫蓄目景全殊速郭籠煙片近田蔚露珠麥

欣烘穗實黍看吐苗濡意謂菁蔥者予心共爾蘇

讀漢書

父欲安劉劉未安子謀安呂呂為殘其基高帝失長算  
平勃奚稱智力殫

張良進四皓非安劉實害劉此杜牧之卓識向曾屢  
見題詠茲不復綴夫辟疆非良之子乎乃以安呂之  
計教陳平平巧詐患失之小人也圖脫禍而聽其言  
呂氏權由此起設非后死而軍左袒則天下已為呂

矣平勃又焉能安劉哉然其失摠因高帝既知惠帝  
不類已當廢之而立文帝乃牽私愛而欲立如意夫  
如意孺子也焉知其類已乎此由寵戚姬耳卒致戚  
姬為人彘惠帝飲酒自廢而高帝諸子被殺者復三  
人吾以為呂雉之禍實高帝自召之而陳平之請封  
諸呂實佐之謂之為巧詐患失之小人不亦宜乎

渚營

八十里遥溯運川渚營到以午時前已乘巽二催漕籟



更值裴家下水船足艤宿舟斯合矣却張居室謂多焉  
地方官於水營內作板房數楹為艤舟復坐  
總之所本屬多設因其業已預備亦遂聽之偶閒雖欲  
試摘藻摘藻即為心恧然

疋帛謠

彛彛彼疋帛裁量用刀尺縫紉熨貼始成衣一絲牽引  
萬絲隨古人製字有深意至心如絲聲从思子輿訓官  
曰得之大易又戒朋從來叶人心惟危道心微試看一  
絲與萬絲

宋人隼擊圖

拳爪斂翼欲下擊衆禽喪魄各藏匿垂羽不擇音駭息  
是謂畫神得妙的蹇諤正士聞奸惡勇將斫陣逐羣敵  
乃可方斯餘莫匹

無為觀疊辛卯舊作韻

臨水

上真宮簷標

奎畫崇忽然據賊寇

前歲秋逆匪王倫糾衆不法佔據  
臨清舊城寺廟民居多遭殘毀此

觀亦係復  
經整葺者

竟自署侯公因發八旗勇遂成不日功

山東  
綠旗

怯懦無能王倫等賊眾逆並肆猖獗特命大學士舒赫  
德等統率八旗勁旅勦捕距其起事甫一月即行蕩除

賊眾殲  
擒伏法

剋邪修

正字

默佑賴恩鴻

臨清歌

御舟經臨清因作臨清歌  
邇曾金川擬淮蔡勦剋奚數

上斯么麼

兩金川以服屬土司敢於負恩抗拒削除本  
非奇績是以近作告成太學碑文比之唐時

討平淮蔡而已若王倫係內地奸民以邪惑感民作亂發兵勦滅不過如尋常擒捕盜賊更不足比數也獨

惜閭閻遭燹亂誠有劫數難容過

逆匪倡立邪教以逆劫數為詞煽惑愚衆

良民為賊戕害及逆黨就殲伏誅者幾以萬計是則此一方之劫而非若逆匪所云也

賑災無待

主爵尉飢困原異潢池戈

王倫滋擾時或有言災民困飢饉所迫而亂者給事中李

漱芳至形之章奏恐地方官果有其事因命大學士舒赫德於督兵之便細加訪察乃據實奏聞以壽張堂邑

陽穀等縣是年收成俱稔賊所至並未搶劫倉穀其非飢民可知王倫等實因邪教糾衆不法無識喜事之徒

妄言惑聽固縣令失察更未密一死稍得贖愆差壽張今沈

不足信耳齊義於王倫等倡立邪教未能早為察知擒治及聞其事乃於大堂餘差往捕而昏役入教者多遂至漏洩生

變機事不密自貽之愆使其尚在當律以不職失然猶城之罪因已罵賊遇害特宥其過而仍予之卹

賜卹寧從厚謂烈則可忠則那

沈齊義憤轉失城為賊所害止可謂之烈而不

得謂之忠其女二姑於其父喪歸籍時投繯以殉亦止可謂之死義而不得謂之孝蓋聖人教民無以死傷生賈請旌章中乃謂忠孝聚於一家措詞失實矣因降旨宣諭勅部依全突如其來據要地新城終未失嗟峨

賊匪

佔據臨清舊城復遣其黨於初七至十三連日攻犯新城之西南二門副將葉信泰將烏大經署知州秦震鈞嬰城固守百計抵禦發給破賊甚多賊不得逞十九日賊復以火藥實車擁至欲焚燬圍扉城上偵知之擲石礙其車輪以火箭射其車藥然賊反自焚斃多人自是不敢復窺新城矣

禮不下庶避則

可頗有明理志弗磨文武諸吏及士庶盡節弗屈原堪  
嘉莠民翦滅示國法良民旌卹恩加宜

叶

綠旗怯懦宜

足恃八旗選銳無須多

因綠旗兵怯懦無能特選派健銳火器兩營滿洲兵一千名馳

赴山東勦捕賊衆即就翦滅至逆匪初起侵擾諸縣時  
官民為賊所害者文職除沈齊義外則有署堂邑知縣  
陳枚及其弟武舉陳元標陽穀縣丞劉希肅典史方光  
祀及其姪方義堂邑訓導吳璽及其姪吳文秀僕王忠  
武職則有署壽張遊擊趕福莘縣把總楊兆立堂邑把  
總楊兆相襄城外委把總崔吉士又普耳總兵薩靈阿  
之妻時儼居臨清亦罵賊被殺壽張訓導李昂妻戚氏聞  
賊至自經其士民則壽張生員王鴻岡武生王廷桂臨  
清生員王政臨清州民黑耿光馬體恭馬體乾皆為賊  
害臨清生員李日孜監生胡師忭及妻劉氏州民趙金

階皆自經死並勅部如例旌卹重臣習事命經理夾河佈置為周遮巡撫

徐績等皆非練習軍務之人措置不能得要以大學士舒赫德曾經西師之役嫻於用兵即命至山東董率調度進剿並命額駙拉旺多爾濟都御史阿思哈同行舒赫德至德州調集各處兵馬京兵一到即令阿思哈分領眾兵往會徐績等至臨清由南路進攻舒赫德拉旺多爾濟等統領京兵由東面進攻復派侍衛春寧率東三省善射手五十人亦至並命直隸總督周元理統兵由故城一路協勦並於威縣平鄉分兵堵禦河南巡撫何燾在邱縣館陶一路統兵防守楊景素時為直隸布政使駐兵河西因以拆橋事委之廿二日夜半楊景素瑪爾清阿率兵攻賊浮橋射墮燃燄之賊兵丁穆維勝上賊舟奪燄斷橋索動兵數十人總之擲炬焚橋繼項刺而殲賊數百賊遂不得西遁廿三日京兵全至臨清於舊城四面環圍賊窘迫率一二千人至塔灣復經

春寧音濟圖等射殲五六百逆匪等復追回舊城其餘  
竄逆之賊追殺殆盡賊有潛泗欲渡河西者悉為楊景  
素一路之兵射擊無遺越數日賊即勒平錄其功績因  
擢楊景素為山東巡撫瑪爾清阿為兗州總兵穆維賞  
巴圖魯號擢千總並賞藍翎具在事  
出力大小貧弁衣銀叙陞賞有差  
滋事一月平六日

王倫自八月廿八日起事至九月廿九日渠魁自焚黨  
羽悉就擒獲檻解誅磔統計僅一月而八旗兵合勦自  
九月廿四至廿九計凡六日而平以視明白蓮教徐鴻  
儒等擾亂前後二十年巡撫趙彥七月始討平遲速不  
啻百倍  
趙彥七月猶延俄策馬歷歷情形閱萬姓安堵迎

肩摩徒觀鋪戶復如昔是因三倍商賈羅

臨清舊城為商賈聚集之

所市塵密比賊殘破後

近已修整漸復舊觀  
汪家大宅付灰燼首逆以此為



巢窠此或居官欠良報其後有識恩早加

王倫至臨清估居原任湖

南巡撫汪灝舊宅其曾孫汪繼烈等預挈家徙避官兵至賊放火自焚意汪灝為巡撫時必有斂賄自肥之事故其居不能遺之曾元世守然使汪繼烈若明於大義當避賊外出時先焚其室令賊無所棲事後上聞必嘉憫厚賜而錄用之茲雖無從賊之罪而室成灰燼賞亦無可施惜乎其智不及此也率亦置之弗深咎大義詎必常人訶舟經因作臨清歌真以致此慚如何

### 旋蹕至德州行宮作

蓬窓夜雨謂應霑漸北誰知澤竟纖

初四夜雨蓬窓聽之頗似慢霑雖不

過二寸許亦稍滋潤連日行程所見覺向北之雨更微  
今至德州見麥穗禾苗俱有乾燥之意盼澤尤切而風  
大土多於田功俱不相宜為之煩悶原是盼膏看麥抵更蕪蒙土惜禾尖  
往來慶典雖躬戴等度康功那意恬雲作風隨慣相妬  
策無搏手嬾吟拈

襟言

順風行舟豈不甚美面前來舟斯為阻矣阻者意憮美  
者心喜喜者感風憮者怨已巽二蓬蓬感怨付彼達此  
應物謂之窮理

遣悶

自我入齊境佳麥觀菁葱苗秀秀將實翠浪翻芃芃而  
何往返間少雨偏多風寸澤何嗟及眼看欲失豐逮得  
而奪之誰不惜以忬因思消息間理固鮮恒通通塞互  
轉旋此理原堪窮祝

釐告武成歲禮都從容凡事忌太順先憂那辭躬躬弗  
辭先憂惟是憫良農

題莫是龍做趙大年江鄉小景

略變晚唐法猶傳北宋規江鄉春正曉農務漸興時橋  
過牛蹄怯船浮鴨嘴遲南巡恒所見偶爾縫遐思

行舟四詠

櫓

槳棹櫓惟櫓力大

諸物皆行船所必需御舟則惟賴河  
兵牽絳以行槳櫓之類率弗用然亦

備置以待  
不時之資御舟却未見催梢榜人慣有因人智已逸他

勞那顧嘲

舵

一舟之令全資柁操縱東西莫不從我亦因而悟為政  
設無定見鮮功庸

柁者一舟之主操柁者無定見則舟  
莫所適從然則為君者可不慎哉

帆

催漕欣看五兩順半張弗受飽風屯黃頭雖曰慎厥事

可識其間至理存

風帆張滿未嘗不行之快而偶遇轉  
灣收拾不及反致遲延雖舟人慎事

之意而盈虛消息  
中頗有至理存焉

緯

河兵兩岸引龍鬚

向於淀池水緯有龍鬚雙行之例今  
於兩岸亦用之蓋舟人圖穩便之意

因亦聽之事體大資衆力扶詎止憑觀切深喻集思廣益在

斯乎

題趙孟頫樂志論書畫合璧卷三首

後有張照記絕佳

靜觀水晶道人圖如讀高平所著論及誦天竝學士記  
又似松雪畫重認有記可以不須圖披圖味論無餘蘊  
一而二而二而一前三後三水乳潤鄭虔三絕詎足云  
獨擅藝林千古韻然非山陽超世作曰圖曰記何由問  
緬想昌言發憤為斯誠狂也可與進

鵲華秋色水村圖皆秀王孫之佳作此卷用意特精嚴

出之以逸博而約二圖早入石渠

謂鵲華及水村

茲為殿允

得其託並山環溪構美宅揖讓賓朋命僮僕良由春種  
復秋收奉親息體志堪樂樂在斯意不在斯圖斯意實  
難筆著彷彿松雪老人言原弗丹青詡盤礴

高幹雄志及雄才後果如言具先見以此羶薌致全聞

詎止隱淪期獨善

叶

文敏結構得此意有斐君子瑟兮

絢四百餘年妙蹟留丁甲呵持永不變裝池割裂失去

名名去實存神弗亂文評書倣李北海張學顏碑筆尤健擬法斯圖亦匪難則待廿年勤之倦

右三詩首章言高平樂志寄托高遠鷗波繪事曲盡其妙張照作記水乳交融合之可稱三絕次章因內府舊藏鵲華秋色及水村圖皆吳興傑作此卷筆意特以精嚴擅場石渠趙畫從此鼎峙矣顧考歷代收藏若清河書畫舫諸書皆不載此圖而畫幅中子昂又未署名幾無可徵驗然審其筆墨工整中具有秀



逸之致猶是千里大年家法信非他手可辦其失歟  
或由割裂實存固無損乎名之佚也故三章終及之  
惟諦察卷後子昂書論及自跋頗似雙鉤疑為後人  
贋作而張照之記小楷則類平原麻姑壇文筆則倣  
昌黎畫記其於松雪稱許特甚是山陽之論得松雪  
之畫而益彰松雪此圖詎非賴天璠之記而益信乎

北來

北來觀二麥雖覺畧勝南然亦需膏澤為之希雨露三

欽定四庫全書

卷三十七

月朔雨後數寸縱頻覃

直隸三月朔廿霽優渥十二三復得雨二二三寸較之山左雖多

需一次至今已及一月亦未免久望矣

較齊固少差究非優渥酣乃知弗

渴待率出慰我談秋麥實菁蔥冬雪胎裏沾

農民以秋麥經值雪

者謂之胎裏飽雖旱無礙有收

春麥則矮黃根弗深萎尖邇日屢生雲

雲生風妬蕪芒種逮熟時迫冀嘉霽甘恐虛前所望

啟鑒

時見沿途麥苗茂茂可期大豐自入山東境後風多日燥久未得透雨今直隸境內亦然恐麥秋不免少減分

盡致虛前此所望為之深惜

益增中心慙

過靜海縣

去時過此雨優霑彌月還饒半月添望澤至今日已甚  
終風播土夏滋炎已殷麥穗待飽粒更慮禾苗欲萎  
尖夾路農民胥鞠脰相看惟有忸怩無

文嘉遙山高樹即用其韻

清和高樹綠陰齊一帶遙山望欲迷佳客不妨挈柑酒  
黃鸝寧必獨聽啼

山東巡撫楊景素報雨

昨望南雲重心期雨庶幾曉涼知澤被輕點惜膏稀却

報三寸逮

楊景素奏十五日寅刻由平原起程甘雨綿密經禹城抵齊河申刻雨止入土實三寸許

省城所報亦同

益慙此處非得無飾慰我實亦所需微此奏或

因余盼雨甚切恐不免多報分寸藉以慰懷即果如所言亦尚不得謂之霑足也

策馬由天津府城至

海神廟拈香用近作過府城韻

前度鳴鞭過綺闌

昨經過時未入城

由城經此覲從民長街小

雨惜乎弱

是日微雨

靈廟甘膏額以親入夏恒風渴已亟代

天敷澤望猶諄密雲願即霈嘉霽虔叩惟抒一念真

至柳墅行宮作

遙看籠墅青近識逕和庭又以三年別居然此日停惟  
期供憩息何必綴臺亭細雨午時歇中心益不寧

賦得天道無為

得然字八韻  
召試題

繫傳曾明道論衡亦著篇无思已示易自化試觀天賦  
物夫何作為形任自然四時由相入壇二氣互因宣生

長陽嚙發成藏陰吸堅廣惟翕以闢大則直而專不動

遂通感守中聽代遷法斯臻治者其舜願希旃

河南巡撫徐績奏報得雨及麥收分數詩以誌事

各屬霑皆三寸上二甍收約九分餘

徐績奏豫省三月廿四五等日時雨

霑足先經奏聞今四月初二三日開封等所屬州縣各得雨三五六寸至深透不等計通省麥收分數約九分

有慰遙雖復因知彼切近惟應益慫予雲作風隨若有

識小霏玉霽奈何如自思早凜盈虛戒

憶二月下旬及三月朔日之雨

幾輔優霑二麥可期十分豐稔乃自入山東境及回至直隸時切殷盼雖蘆纖間作而渥澤未霽近每雲聚風隨不能釀雨為之抑鬱因憶上年春膏頗足入夏後以缺雨之故麥遂歉收今春每引以為懼方對雨時即有

去年三月曾因喜失春依然憶惕吾  
之句不意適日復如去年之缺望  
迴首那堪春暮初

柳墅行宮八詠

柳徑

柳墅由來柳窠多入門循徑窈窕無端往事思量偶  
張緒當年意若何

石屏

疊石為屏蔽內外玲瓏闢達意猶存魯論少小工佔畢  
雅似邦君樹塞門

曲池

海河塘外引流來，曲繞屏山鏡影迴。真是商人之見耳。

滿池種得假蓮開。

柳墅為天津鹽商所脩，以備停蹕者池中點綴，假蓮故戲及之。

橫橋

宛轉朱欄扶木橋，過橋揭步不其遙。橋低忽訝水波近，徐

悟東風漲晚潮。

偕樂堂

行館中間構數楹，堂齋廳室各為名。茲來後樂偕艱致，



祇有先憂為久晴

播醇齋

笙歌備聽誰為聽  
摘句消愁愁復索  
默坐書齋緣望雨  
播醇翻覺未孤名

海棠廳

海棠謝了人纔到  
無復紅英點綠苔  
却是壁間詩句好  
不知過去與方來

校籤室

校籤雖以額書堂那有多閒檢縹緗縱罷軍書仍不寐  
投階頗覺似天康

天津啓程迴鑾之作

安福御艦溯海河夾堤十里備笙歌迫因希澤方愁已  
一任排當嬾聽他昨日微零仍即止今晨略蔚又旋過  
農民祇盼銀牌喜未識其心苦若何

麥穗

麥穗芄芄色亦滋近河受潤故如斯隔堤高處必黃萎

顧邇忘遙吾不為

詠楚惠王吞蛭事

昔楚惠王食寒蕪得蛭吞之疾致乎令尹入問告之故  
再拜而賀疾遂愈劉向新序紀其事偶披覽之謂近誣  
庖宰食監供厥職王蕪有蛭安逃辜是宜問其知與否  
若知則遂當行誅藉曰弗知偶過耳答以蔽罪誅甚夫  
子產濟人於溱洧惠不知政譏子輿何至一時小不忍  
徇人病已輕厥軀且以告之令尹矣仍當威令行其都

馬救庖宰食監死言自扞格非通疏好行小惠違大義  
盡信書不如無書

新序載楚惠王食菹得蛭而吞之腹有疾令尹入問  
王曰我食寒菹而得蛭念譴之而不行其罪乎是法  
廢而威不立非所以使國聞也譴而行其誅乎則庖  
宰食監皆當死心又不忍也因遂吞之令尹再拜賀  
曰臣聞天道無親惟德是輔君有仁德天之所奉也  
病不為傷是夕蛭出而疾愈吾讀是書而知其誣設

誠有其事惟當庖宰等是問其有意為之耶誅之不  
為過其無意而失之耶薄示之懲足矣亦罪不至死  
也何至輕已徇人強吞蛭以得疾市小惠而昧大義  
安能託言天道乎既作詩以辨之並識其事如右

夜雨

四月廿二日

午雲時聚散入夜遂婪絲聽徹五更永想當二寸滋再  
霽方愜望恐霽益殷思曉起煙波重繼茲霈庶其

復雨

四月廿三日

開船衝浩渺夾岸望迷離疎密時相間渥優今允施麥  
收庶少救禾長正深滋彌月憂惟釋登秋稔更期

過武清縣

雨後青郊總沃如今朝辭舫復憑輿麥將熟穗粒滋飽  
乘盡蘓苗秀逮初左右欣原皆為去聲爾思量愁亦未孤  
予密雲仍弗容輕霽再霈益佳此待諸

恭奉

皇太后回鑾駐蹕桐柏村即事二律有序

告功行慶東巡

輦掖金根辭舫就輿北道村臨桐柏湖發軔至於旋蹕  
月計兩周由畿輔迄自齊封疆連千里緩頰總期  
安適喜

慈躬之日益康強經涂並効懽呼嘉民志之風同愷樂  
茲以勞還舉典越程仗莅青郊復因

尊號具儀信宿

鑒回紫禁時則微薰正拂渥霽初晴攬盈疇之麥熟禾

滋與扈農而共慰覩夾路之鳧趨雀躍知中外之  
交欣爰紀聯章用昭歲事

水程率歷遍陸路此非遙往返都安吉

康強欣適調慶因定西旅恒是奉

東朝郊勞應親莅還宮遲一朝

因舉行郊勞之典廿五日自祠柏村徑駐南苑

新衙門廿六日至良鄉

廿七日禮成後率將軍等還京

師詣

慈寧宮問安

皇太后慈駕則於明日駐

南衙門廿六日

回鑾

駐壽康宮為期較早一日

跼蹐緣望澤優渥喜新晴敢曰時逢泰誠看雨洗兵諸



臣無内外夾路畢趨迎

是日在京王公大臣官負及紫  
古王公等俱至桐柏村接駕

人豫占

天順予惟凜捧盈

新衙門行宮晚坐

郊勞明當宿廣陽取程此近駐徜徉畧思少

去聲

日斯文

課那計今朝我武揚土潤香生苔砌淨雨霑籟拂夏衣  
涼不殊插架鄴侯軸却愧無閒校縹緗

倪瓚竹樹野石

竹樹交枝野石蒼有情無意各相忘張家學士拈佛法  
翻喜因王而得羊

竹石木中各一倪

藥拈張  
照題語

半提乎抑是全提天瓶者箇

依然在論有論無饒古今

再題趙宗漢雁山叙別圖

浙中雁山凡有兩不識為溫抑為台

浙中以雁名山者  
凡二其一為南雁

蕩山在溫州府平陽縣西南百里其一為雁蒼山  
在台州府寧海縣北四十里宗漢所云未知孰是

圖署

使粵時所作知胥路便徑由皆子鄉

汪

獻甫

宗漢  
字

舊館契

見宗漢  
自識語

登第謝歸自逸材出紙索畫篤友摯細

思入妙窮安排山重水複互吞吐元氣磅礴無津涯蓮  
池松逕置妥帖飛梁奔瀑騰喧阗南宮見賞豈俗調爾  
時八幅宣和纔片羽胡為無翼致一欣始遇一愧哉

良鄉道中即事用近作韻

霽後輕輿破曉陽紗衣稱體覺微涼乘高稻下都荒綠  
一雨回蘇幸弗妨

觀農那覺路途長麥欲登秋禾蔚秧識得力田不如處

未孤盼雨亟彷徨

兩月東巡真覺速一時南望反嫌遲

自良鄉至山東往返幾兩月餘迅若

轉瞬自南苑至此距明日郊勞不過一宿轉覺稽緩蓋不盼則速盼則嫌遲人情大率如此

果然明

日逮郊勞嘉霽

天教百事宜

盼捷今休日夜懸郊臺知近縣城前戎衣看卸著章服

頌謁

慈寧大禮全

郊勞後即由行宮更衣回京率阿桂豐昇額等詣慈寧宮請安

山東巡撫楊景素奏報得雨詩以誌事

被雨由來早直隸霑膏却覺勝山東

直隸於廿二廿三得雨深透今楊景

素奏山東省城于二十戌時至廿一辰時甘霽徐零入土四寸較直隸雖早一日而優渥不及即所報四寸果

真亦尚欠霑足耳

真茲四寸意猶慊繇彼萬民念豈窮欣近忘

遐戒銘素畿農齊稼總期豐雖然薄海更遙矣祈歲宜  
乎愁滿衷

良鄉行宮晚坐

來去倏經兩月程紗窓重拂夏風清詩粘素壁新還舊

意託良農雨與晴依古歡惟文簡課荷

天寵幸武功成受俘凡四郊臺二遇以何修廟若驚

於郊臺迎勞將軍阿桂凱旋將士等成凱歌十首

郊臺仍是此郊臺何幸重修盛事來漫謂數年經契濶

精神注似日相陪

勲臣率拜列靈旗

郊勞之儀陳將軍參贊等得勝蘇於臺上朕親率成功將士及王公大臣

等行禮是時臺下

鳴螺饒歌樂作 軍士鳴螺赫武儀樂奏饒歌行抱見

拜蠡禮成御帳次將軍參贊趨至座前行抱見禮  
各加撫慰賜生賜茶猶循 祖宗以來家法也 詰戎

家法萬年垂

己巳班師本受降

非擒賊滅寇故未行郊勞之典

庚辰郊勞典鴻龐放

牛歸馬予素志凱獻何期此見雙

準部回城定五年金川小寇亦如前嘉予將士久敵愾

不覺對之增惻焉

地險加之衆志堅

從浸逆賊恃其地險碉堅蟻衆齊心抗拒其事雖小於平定西域而逐步

力戰而得攻勦之艱視前不啻數倍過之

林碉步步戰而前小於昔事難過

倍慰意恒因意憫然

鑿穴而居避火器終於面縛出蕃城

官軍圍攻賊巢用大礮四面轟擊賊

衆皆鑿地而匿以避礮火今鼠窟垂破逆酋胆落計窮因率其弟兄甲爾瓦沃祿爾斯丹巴並其兩土婦及助惡大頭人丹巴沃祿爾阿木魯緯窩斯甲尼瑪噶喇克巴暨兩喇嘛並大小頭目二千餘人出塞跪捧印信

乞免誅戮遂悉就擒獲

貪生螻蟻固如此聚族將焚語豈誠

先是投出

番衆僉稱聞逆酋等每言若官軍攻至巢穴窘迫無計即相聚焚死不肯為官兵所得彼時即以番人之性最忌自戕不過故作妄語欺飾以圖狡脫屢諭將軍等嚴防今果不出所料

倏經于役五春秋棧道崎嶇似坦郵

棧道雖險較之金川則坦途矣交

路花紅復柳綠阿誰致悔覓封侯



脫却戎衣換吉衣龍章示獎特恩稀

郊勞時將軍等俱  
甲冑覲謁隨行奏

凱而還俾衆觀仰軍容之盛入朝後始解甲易吉服  
將軍阿桂實為此事首功特賜四團龍補以示優異同

心戮力還擒敵便解天閑賜六飛

將軍阿桂及副將軍  
豐昇額參贊海蘭察

並賜御用鞍  
馬乘以扈行

兵洗金川永不波潢池跋扈竟如何良鄉近遠多黎庶  
歡喜都來聽凱歌

凱歌亦豈易為聞五歲辛勤勞衆軍我實未曾安五夜  
幾多憂慮與平分

還宮詣

慈寧宮恭問

皇太后安喜而成什

三千餘里往還路

八十五齡康健躬巷舞衢歌申衆悃陸輿水舫慎予衷  
安祥歲事誠堪慶今古

膺釐孰與同適自東巡虔祝願

高年定並岱宗崇

詠湯泉荷花

水暖溫泉蕪候早

湯泉以水暖荷花开早他處今年氣候較早四月末已見花開清和

菡萏已敷榮大官法駕崇朝返中使新瓶秘殿呈品自  
出塵無礙汙度堪引興却難評微嫵稱是花君子何必  
斐然欲速成

題錢選林檎雙雀

半熟林檎雅入圖文禽欲啄待斯須即看筆意傳神處  
頗與王家帖不殊

詠和闐玉夔匱

鑄銅多古器琢玉作今匱流鑒遵周制敦牟伴祭儀銘

詞殊義母錫貝勝文姬

義母文姬皆周匱名

笑彼呈新樣華覓徒

爾為

夜雨

四月廿七日

五風十雨吉徵常五雨尤稱夏令祥

自廿二日至今甫五日

前此

雖霑久晴渴今茲大霈渥膏澤愛聽簷瓦紛鳴瀑不寐

惻紗峭透涼明曉受俘午門御披衾又復願宜暘

金川平定御午門受俘即事成什

畏威赦罪昔已已俏德致俘今丙申真首函呈非或首

生人組繫是孚人

馘字從或從首蓋或者疑辭函首以獻其真偽原在疑似之間至俘字從

孚從人孚者信也執人以來其生獲實為可信六書會意具有深義顧昔人無論及者茲當俘馘並陳適得是聯天然切對

因並詮釋之

陳儀凱獻聲靈赫偃武歡騰禮樂彬四

沐

天恩際時泰

乙亥六月征勦準噶爾先獲青海數酋羅卜歲丹津及新投順復叛去策凌孟克之

子已朗孟克忒木爾等來獻是年十月因平定準噶爾復獲達瓦齊等檻解京師並御午門行受俘禮庚辰正

月平定回部雷集占之首以獻復御午門受之皆賦詩以紀並有從今更願無斯事之句茲以兩金川負恩反噬不得已而用兵幸賴天祐集勲奏凱且逆酋黨羽全就俘獲實為盡善盡美通計前後凡四舉是典從此益願洗兵長不用矣盈虛默念倍惶寅

春耦齋小憩

鳳樓通受俘鸞閣將開宴於斯待告備視事兼傳膳二月東巡狩春耦過未辨弄田已播種林丞職敢慢菁葱乘苗蔚幸霑透雨徧愁早歷東省逢膏逮京縣吉禮以次行轉愁為慰幻雖然敢即怡無逸書在案

植秀軒

植秀何所植其名不一足高低湖石間隨宜種花竹是  
皆可謂秀而無過悅目每憶棧樸詩爽然自慚慙

虛白室

白黑同為色白佳而黑否所以墨曾悲更傳楊遺守生  
白乃在虛精義蒙莊剖其義問云何虛無實則有常使  
方寸間致虛斯福受釋氏稱白業於意亦足取

題純一齋

穹壤胥得一清寧因以見作君得一貞九有享安宴一  
者純之謂純則無他變於意為弗禠於學為無間寧惟  
尚樸素那更言華綯

奎章示訓深服膺勵不倦

四月廿八日紫光閣凱宴成功諸將士

有序

績宣西燹洗兵波靖金川凱叶南薰錫宴筵開紫  
閣旋蹕舉勞還之典昨朝纔解征衣御樓受俘獲  
之儀詰旦全陳繫組念徼外棧穿冰雪庠以五年



指壁間米聚山川成於百戰功宜懋賞允茲晉爵  
加章實稱循名遂爾圖形系贊繫此日同堂之愷  
樂酬諸臣歷歲之盡誠酌酒親頒一醕霑殊非易  
承筐共拜千緡賚亦奚多撫陳迹以增懷難忘視  
昔幸後來之繼踵益勉從今六章詎曰侈文億載  
願言偃武

己巳班師原赦罪

己巳之奏凱非受降乃赦罪彼乃所屬土司逆命則討之服罪而赦之安

得與外夷相提並論謂之受降哉

丙申宴凱信成功樊崇甫以十年叛

即卡自赦罪之後未及十年即侵擾鄰境念番俗構爭乃其常事遂置不問

莽布奚當六戰

雄蠶食狼貪終弗改鷄連鮑取孰矜窮五年宵旰勞西

顧幸覩酬勲禮樂融

郊勞昨還曉受俘禮應凱宴荅功膚修儀偃伯斯宜矣

夜雨朝晴有是子

廿七夜半後快雷渥露未曉而霽夜雨朝晴最為難得於盛典尤覺

相紫閣貌圖俾績顯金卮手賜按名呼

宴間召將軍阿桂豐昇額參贊

海蘭察額森特領隊大臣奎林和隆武福康安普爾普並擇其餘勞績茂著之人及軍機大臣舒赫德于敏中福隆安等至座前親

賜卮酒以示優眷

鉦瘢著處恫關切念此何敢耀武

吾

美諾重征得重易勒圍多戰信多勞

初攻趙拉雖經歲始平及收復美諾

諸境則未旬日而歲事至促浸則層層險阻賴阿桂不憚艱瘁將士奮勇宣勞每因難以奏績前後不啻百戰

詎予隴蜀無已望念彼蘖芽有藉蔣資哩卡了消雪窟

木思西里化水嶠而今都是光明境屯戍相將事櫟櫟

上將歸來是近臣

阿桂豐昇額俱軍機大臣兼領侍衛內大臣其餘亦在御前乾清門行走

者多國朝

家法萬年循解兵笑彼一盃酒示澤欣茲滿座春夷樂

寧須聞傑侏俘歌合此奏望俛

阿桂等所俘番重有習鍋菲及斯甲魯者

即番中儼威也亦命陳之宴次

鴻敷集矣雨暘若祇恐驕生志倍寅

紫光閣峙液池邊為寫戰圖廊展前

紫光閣壁間舊列西師戰圖已滿昨歲展

拓前樞以備繪金川戰績命將軍等具稿以進擇其事最大戰最偉者繪之

幸矣竟如操左

券嘉哉所賴掌中權揚威擣險重無藉索劍弋弓合有

然五載劬勞信不易一為歡喜一為憐

伊犁回部早成熟又勒畫圖新舊分詎我佳兵不知戢

奈其伏莽敢忘勤

索諾木濟其父惡蘇食鄰封與僧格桑狼狽為奸背恩反噬不得不聲罪

致討今幸成功而追憶頻思舊績翻因戚多出翹材繼  
艱險不啻痛定之思矣  
以欣平定伊犁回部時所繪一百功臣今存者不過什  
之一二撫念慨然今所繪功臣中世家子弟及新  
進之人頗不乏翹材  
則又為之欣幸云  
湛露采薇重賦罷益欽保泰敢云  
云

題金廷標琵琶行圖

船隱蘆洲不見人四絃風送到江濱主賓僮僕齊傾耳  
寫出尋聲暗問神

內府弄唐寅畫琵琶行於江邊扁舟直寫一女抱琵琶

琵琶標此圖不畫琵琶女而畫居易等屬耳之情  
便覺高出其上此與宋人畫踏花歸去馬蹄香以數  
蝶隨騎意同向未題句茲偶見之因拈其妙然畫院  
中能作如此解者實少也

詠宣德雕漆八仙罐

廠園漆器細雕鏤蕉段明標宣德年聚八仙人相笑傲  
閱三百歲尚完全已輕元凱聲名炫遠異顧厨禁錮蠲  
塵世酒漿那宜貯堯時寶露合盛旃

山東巡撫楊景素報得透雨及麥收分數詩以誌

慰

齊東久嘆慮如焚，便得優霑敢即欣。

山東三月朔日之雨，本不及直隸之

大其後久未得雨，巡蹕所經軫念農功，盼望甚切。迨四月十五及二十廿一等日，雖亦屢經報雨，不過三四寸而止。未為優渥。茲楊景素奏省城廿三日戌時至廿四日辰時大雨滂沛，溝澮皆盈，入土極為深透，即可耕種。秋田通計合省麥收約八分有餘，農民欣慶，覽奏始慰。廬懷然東省麥田初極豐茂，可望十分滿收，惜需澤稍遲，不免略減分數矣。夜雨繼朝，廿三四早田逮晚起耕耘，一時喜

動諸百姓，二麥收牽足八分，却是我心仍舛。望初原滿。

擬十分云

蒙

聖母賜膳於寧壽宮喜而成什一韻二首

西筵歲勲績

東朝豫

懿懷膳頒八珍列樂奏六英諧調鼎鹽梅共采薇將士

偕

皇太后幸寧壽宮既賜將軍阿桂豐昇額聖成功將領之功績最著者

掄二十三人及軍機大臣古來多凱宴幾見

六人飯食

養物有差



賜思齋

母子情牽處憂勞略釋懷砌花都色喜簷鳥亦音諧暘

雨幸時若孫曾繞

膝偕還期就閒此仍復侍

萱齋

題養性殿

養心養性義各殊向已言之茲不贅

聖母賜食適於斯所為武成矜勞勩勞勩我分何足云况塵

慈念眷弗置幸此定功紓

懿懷稍覺吾心釋慚愧心欲有為性無欲

此句槩括向詩意

無

逸一篇今正勵惟待他年息肩時誠哉養性謝萬事

頤和軒

庭樹綠陰多夏來春早過青郊興耒耜金徽息干戈泰  
否心常凜盈虛理不訛此時勉勤政未可曰頤和

符望閣口號

五載軍機日夜圖果誠偃武奏功膺廿年高閣來娛老

此望未知符也無

詠漢玉斧珮

玉德具溫潤斧形寓沒戕佩兼古西董用協此柔剛中  
蘊脂羊白外彰蒸粟黃周歟將漢也世代卒難詳

詠天鹿玉硯

範銅肖天鹿琢玉作陶泓祇以靜為用寧稱製特精楚  
庭無藉獻文苑共騰英設贈劉子政青藜欲讓明

題周昉麻姑仙壇書畫幀

書效平原法畫傳右相神故當稱合璧豈祇曰希珍  
背寧容得蛻形詎是真丹青留妙蹟千古見斯人

平定金川恭上

皇太后徽號禮成誌慶

五年籌筆合予躬

塵念

慈恩日夜同幸值鴻功靖笱徽宜崇

燕喜悅

萱宮欣肇

冊晉和闐玉

平定回部以來和闐歲貢大玉恭遇加上  
藏號冊寶即擇貢玉中之最佳

者琢為之於  
慶典倍昭尊貴

那數柱題交趾銅

位祿壽名得因

德真堪古史邁其彤

恭上

皇太后徽號禮成御殿受賀成什識懷

夜陰將謂雨侵晨

冊晉慈寧旭景新式禮太和遂受賀叩恩諸將那忘辛

聯班更進百千衆

恭上

聖母冊寶慶賀禮成御太和殿將軍及成功將士列班謝恩畢

次王公百官宣表行慶賀禮遂頒詔

同志亦惟一二人耆定幸逢諸務歲

自銘戒滿倍虔寅

西直門外

仲春過此茲仲夏條矣光陰一指彈為驗農功景何若  
輕輿徐度細心看

秧禾苗乘齊爭綠秋麥春薅已作黃都道今年勝去歲

周元理奏麥收分數大興宛平皆九分他處並有收九  
十分及九分有餘者以直隸通省計之約有九分  
分顆粒喜登場

節屋茆簷厯厯過萊畦瓜架致婆娑中途陣雨忽飄灑  
於澤由來不謝多

恭奉

皇太后觀龍舟即景成什

諸禮畢行返御園三千里

適清和溫齋臨午日欽

宏祀

今年五月初六日夏至

方澤大祀初三致齋  
始端午適當齋期因移於  
初一日即陳節事奉

皇太后至

節近朔朝悅

御園觀龍舟

懿尊幸值武成祝歲稔得申孝

養總

天恩龍舟按隊原無競宴賞中仍教意存

題多稼軒

園中閭弄田引水學種稻軒名額多稼

奎章懸聖藻無非



垂教心當識穀為寶要惟雨暘時逢年殷祝好春夏例  
多暎佈種艱致早茲來見芄芄鱗塍綠雲渺則因二三  
月霑膏秧插了秋成期尚遙滿望奚敢保切切盡小心  
穰穰希

大造

靜香書屋口號

樂几由來列縹緗琳池風過亦生涼一年偶至至而去  
書屋恒茲守靜香

釣魚磯

園中無不有磯有釣魚名缺笑食無爾竿嫌水至清便  
因取意適未覺罷心營我獨思賢策戒哉徒羨情

韶景軒

京畿齊句厯巡轅望雨每為心鬱煩雨足人歸春過了  
軒中韶景意恒存

湛然室

書室頗湛然無非取即景我意弗在斯每因以自警湛

者澄之謂私欲首當屏湛者寂之謂好惡猶應省內以養  
心田外以持政柄叶無為而有為詎云耽閑靜

披襟樓

拾級披薰天籟翻颯然清聽意為軒雄雌鷲甯相衡處  
諷諫敢忘宋玉言

綰春軒

書軒亦絕勝渠几儻來憑舊學溫何有

是處在桃花塢中為青年時書

室新知契幾曾砌花紅雨過庭樹綠陰增春意去杳矣

問誰綰得能

品詩堂

品詩詩實有權輿三字箴當慎守諸設使無關性情正  
縱工辭藻亦虛車

詠定窰娃娃枕

白定宋猶嫌有芒

見高士奇酬蒼林均窰瓶歌

於今火氣久消亡故

宜入品稱琬玩便以摘吟著句償荷葉不離身作被檀

材新與卧為牀

製紫檀小牀卧之

曲肱却復待人枕樂在其中

意山集

御製詩四集卷三十七